

iiiii

Testament de anne de proha femme
a bernard proha

Au nom de dieu scaichent tous p(rese)ns et
advenir que l()**an mil vc iiixx neuf** et le
cinquie(me) jour du mois de **janvier** apres midy
en la juri(dicti)on de la ville de **montauban** en
quercy et mai(s)on ou demeure la testatreix
si apres nommee joignant **au bois ramier**
de()lad(ite) ville regnant excellant prince
henry par la grace de dieu roy de
france et de poloigne p(rese)nt moy not(aire)
r(oy)al soubz(sig)ne()et tesmoings bas nommes
(e)stablye en sa personne **anne de proha**
femme a bernard proha et filhe a feu
jehan proha dict de()peyrou laquelle
gisant au lict malade dettenue de
certaine maladye corporelle estant
toutesfois en ses bons sens memoire
et entendement bien voiant oiant
parlant et cognoissant par la grace
de dieu conciderant la fragilite de
ceste()vye humaine et q(ue) l()heure de la
mort est incertaine pour eviter proces
et differand entre ses parens()et
successeurs a l()advenir de son bon gre
a fait et ordonne son dernier testam(en)t
et derniere voulante et dispanze
des biens q(ue) a pleu a dieu luy distribuer
en la forme et manie(re) q(ue) s()ensuit en
premier lieu a invoque le nom de()dieu
le()prianluy f(air)e misericorde et luy
pardonner ses peches par le merite
infini de jesus christ son filz et

.....

apres que l()ame sera separee de son
corps luy plaize la vouloir recepvoir en
son roiaulme celeste en la vye bien heureuze
et permanente a jamais idem a
esleu sa sepulture au **cimittie(re) de()leojac**
ou a voulu estre encepvely chrestienement
item donne et legue a **anthoinette chaubarde**
sa belle()mere ung cestier de()bled froment
bon et merchant de mesure dud(it) m(on)t(auban)
de pention annuelle paiable tant qu()elle

vivra chacun an a la feste de la magdale(ne)
par ses hoirs bas nommes / au cas
qu()elle ce]desp[desparteroit d()iceulx et
ne seroit d()accord avecques eulx car
si demeurant ensemble et]ung[en
commung n()entend point q(ue) led(it) bled luy
soit paye plus donne et()legue a lad(ite)
chaubarde sa belle()mere ung sien blanquet
neuf / item donne()et legue a **cicillhe
richeville sa cousine** sa robe de drap bleu
qu()elle a a **montauban** et **mai(s)on de madonne
de rolland** plus donne et prelegue a
jehan proha son filz et dud(it) bernard proha
son mary une robe a elle deue par **geraud**
et **ramond lanies** ses **honcles** po(ur) reste
de()la()dot par eulx constitue a **feue marye**
de()lainie mere de lad(ite) testatrix laquelle
robe elle veult que led(it) jehan son filz et
son hoir soy fasse paier item donne et
legue a **anne de ramondou fillhe de jammes**
et a **anne de fontanie fillhe de galiet**
ses **fillheules** a ch(ac)une d()icelles la somme
de ung escu sol vaillant iii l(ivres) t(ournoi)z paiable
quand ce marieront et en tous et

.....
iic iii

chacuns ses au(tr)es biens tant meubles
q(ue) immeubles voix droitz noms et actions
a lad(ite) testatrix apparten(ant) de p(rese)nt()ou a
l()advenir en quelque()part et lieu q(ue)
soient elle a faictz institues et nommes
de sa propre()bouche ses hoirs universelz
et generalz lesd(its) bernard proha son mary
et()jehan proha son filz legitime et
naturel et dud(it) bernard entr()eulx a
divizer par esgalles partz et()portions
chacun d()iceulx po(ur) la()moytie]par lesquelz[
po(ur) en f(air)e et()dispauzer a toutes leurs
voulantes tant en la vye q(ue) en la
mort a charge de paier ses debtes
et legatz et ce dessus a voulu
q(ue) soit son dernier testament et derni(ere)
voulante lequel veult q(ue) vaillh(e)
par droict de testament ou par droit de
codicille ou par donna(ti)on faite a cause de
mort et autrement en la meillheure forme
que po(u)rra valoir de droit cassant revocquant
et annullant tous autres testame(n)tz
codicilles et autres dernieres voulantes

et disp(ositions) par luy si devant faittes
son p(resent) testam(en)t demeurant en sa
force vertu valeur et efficace si a
pries les tesmoins si apres escriptz
de ce dessus estre recordz et memoratifz
et moy not(air)e luy en rettenir inst(rument)
ce que luy ay accorde ez presences de
sieur jehan lacoste marchand de montauban
gaillard proha jamme delpech pierre proha
dict de()lamayon...e anthoine proha fr(ere) dud(it)
pierre autre anthoine proha filz a feu pierre
pierre carla filz a feu arnaud et yzaac
pechefolque habit(ant)s to(us) en lad(ite) juri(dicti)on de

.....
montauban et je not(air)e r(o)yal de lad(ite)
ville requis et soubz(sig)ne avec led(it) lacoste
les au(tr)es et lad(ite) testatrix ne save(n)t
escripre

J. Lacoste, p(resent)

Boneau, not(air)e r(o)yal